



宋繫太平御覽



和装本  
1 3  
403  
147



43  
403  
00147



太平御覽卷第九百五十五

木部四

桑

易曰其亡其亡繫于苞桑苞桑蓊生桑也

書曰青州厥筐縶絲孔安國曰縶桑蠶絲中琴瑟絃縶於琰切

又曰伊陟相太戊亳有祥桑穀共生於朝妖怪也二水合生七月大拱不

詩曰桑之未落其葉沃若沃若猶沃然

于嗟鳩兮無食

桑甚桑之落矣其黃而隕隕落也

又曰交交黃鳥止于桑交交黃鳥止于桑

又曰星言夙駕稅于桑田教民稼穡

又曰女執懿筐爰求柔桑柔桑穉也

又曰蠶月條桑條桑枝落採其葉也



田八幡中

新金圖書

此係八年治  
月八年治  
卅八年治  
卅八年治  
卅八年治  
卅八年治  
卅八年治  
卅八年治  
卅八年治  
卅八年治

太平御覽 卷九百五十五 木部四 桑

又曰倚彼女桑女桑少枝長條不枝落者揀而採之

又曰肅肅馮行集于苞桑

又曰將仲子兮無踰我墻無折我樹桑

又曰隰桑有阿其葉有飜阿然美貌也飜然盛貌也有以剛然長美其葉又茂盛可庇蔭人與者喻

阿然長美其葉又茂盛可庇蔭人與者喻既見君子甘樂

如何禮記曰季春之月命野虞無伐桑柘

禮記曰季春之月命野虞無伐桑柘

又曰古者天子諸侯必有公桑蠶室近川而為之


左傳曰晉重耳及齊桓公妻之有馬二十乘公子欲安之

從者以為不可將行謀於桑下蠶妾在其上以告姜氏姜

氏殺之

又宣上曰趙宣子田於首山舍於翳桑田獵也翳桑桑桑見之多蔭翳者也

靈輒餓問其病應之曰不食三日矣食之捨其半問之曰



宦三年矣未知母之存否今近焉去家近也請以遺之使盡之

而為之簞食與肉簞箚寡諸橐以與之既而與為公介靈輒為公

也甲士倒載以禦公徒而免問其故曰翳桑之餓人也問其

名居居問所不告而退

春秋元命苞曰姜嫄遊閼宮其地扶桑履大人迹生稷扶桑扶

春秋孔演圖曰孔子母徵在遊大冢之陂睡夢黑帝使請

已往夢交語女乳必於空桑之中覺則若感生丘於空桑

之中乳生

爾雅曰女桑榎桑郭璞注曰俗呼小桑長條者榎切桑

山桑詩曰其槩其柘桑柳醜條阿那垂

史記曰齊魯千畝桑其人與千戶侯等

又曰吳公子光伐楚拔居巢鐘離初楚邊邑甲梁氏之飢

女與吳邊邑之女爭桑二女家怒相滅兩邊邑長聞之怒而相攻滅吳之邊邑吳王怒故遂伐楚

漢書曰息夫躬免官歸國未有第宅寄居丘亭姦人以爲侯家富常夜守之賈惠往過躬教以祝盜方以桑東南枝爲七畫北斗七星其上躬夜自被髮立中庭向北斗持匕招指祝盜人有上書言躬懷怨恨繫維陽詔獄死

東觀漢記曰蔡君仲汝南人王莽亂人相食君仲取桑椹赤黑異器賊問所以君仲云黑與母赤自食賊義之遺鹽二斗受而不食

謝承後漢書曰陳留申屠蟠恥郡無處士遂閉門養志處蓬室依大桑樹以爲棟梁

又曰河內高弘爲瑯琊相妻子不厭官舍桑杯盛漿又曰汝南尹昆爲汝陰功曹令新到官問曰園中有桑以

飯蠶何如昆曰非初政所務令嘉其言

又曰張湛爲漁陽太守勸民耕種百姓歌曰桑無附枝麥穗兩岐張君爲政樂不可支

又曰陳擘爲巫令有惠政桑生二萬餘株民以爲給

魏略曰楊沛爲新鄭長課民益蓄桑椹豈豆積浸得千餘斛太祖遷天子軍無糧沛乃進乾椹後爲鄴令賜其生口十人絹百疋以報乾椹也

蜀志曰先主舍東南角籬上有桑樹生高丈餘遙望童童如小車蓋往來者皆惟此樹非凡或謂當出貴人先主少時同宗中諸兒於樹下戲言吾必當乘此羽葆車蓋

晉書曰賈后將廢愍懷太子時有桑生於西廂長數日而枯十二月后廢太子

又曰劉麟之尙書質素好道車騎將軍桓沖聞名辟爲長

史固辭冲嘗到其家麟之於樹條桑使者致命麟之日使君既枉駕光臨宜先請家君冲愧詣其父又載記曰北燕馮跋下書曰今疆守無虞百姓寧業而田畝荒穢有司不隨時督察欲令家給人足不亦難乎桑柘之益有生之本此土少桑人未見其利可令百姓人植桑一百二十根

崔鴻前涼錄曰張天錫爲苻堅破後歸晉孝武帝問之曰北方何物爲美錫對曰桑椹甘香鴉鴉革響淳酪養性人無疾心

崔鴻十六國春秋後燕錄曰初晃之遷于龍城也植松爲社主及秦滅燕大風吹拔之後數年社處忽有桑二根生焉先是遼川無桑及廐通于晉晉求種江南平川之桑悉由吳來

齊書曰太祖宅在武進宅南有桑樹擢本三丈橫出四枝狀如車蓋上年數歲遊其下從兄敬宗謂曰此樹爲汝生也

又曰沈瑀爲建德令教人一丁種十五株桑四株柿栗女丁半之人咸歡悅頃之成林

又曰韓係伯襄陽人也事父母孝謹襄陽土俗鄰居種桑樹於界上爲誌係伯以桑枝蔭妨他邊界上開數尺鄰畔隨侵之係伯輒更改種久鄰人慙愧還所侵地躬往謝之又曰扶桑國在大漢國東二萬餘里地在中國之東其土多扶桑木故以爲名扶桑似桐初生如笋國人食之實如梨而赤績其皮爲布以爲衣亦以爲錦以扶桑皮爲紙三國典略曰宋子仙召吳令沈景令掌書記景固辭以疾子仙怒命斬之景解衣就戮礙於路聞桑樹乃更牽往他

颶或救之獲免  
 又曰齊長廣郡廳梁木忽作人像太守惡而刷去之明日  
 復出鄉人伐枯桑樹於中得死龍長尺餘識者以為長廣  
 齊太生主太封也齊氏木得龍為吉象木枯龍死非吉徵  
 焉  
 隋書曰齊河清中定令丁給永業二十畝為桑田其中種  
 桑五十根榆三根棗五根土不宜桑者給麻田如桑田法  
 唐書曰李龍譽居家以儉約自處每謂子孫曰吾性不好  
 貨財遂至貧乏然吾近京城有賜田十頃耕之可以充食  
 桑若干根採之可以充衣  
 家語曰殷太戊之時道缺法圯以致天生孽桑穀生朝七  
 日大拱占者曰桑穀野木而生于朝意者朝亡乎太戊恐  
 駭側身修德

范子計然曰桑葉出三輔  
 列子曰晉文公會欲伐衛公子鉏仰而笑公問何笑曰臣  
 之鄰人有送妻適私家者道見桑婦悅而與言然顧視其  
 妻亦有招之者臣竊笑此也公寤其言乃止引師還未至  
 而有伐其北鄙者  
 孟子曰孟子謂梁惠王曰五畝之宅樹之以桑五十者可  
 以衣帛矣  
 孫卿子曰孔子適楚於陳蔡之間七日不食曰居不隱者  
 思不生身不佚者志不廣汝庸知吾不得之桑落之間  
 韓子曰子產開畝樹桑鄭人謗訾  
 鄒子曰季夏取桑柘之火  
 呂氏春秋曰伊尹之母居伊水上孕夢有神告之曰白出  
 水而東走無顧明日視日中出水告其鄰東走顧其邑盡

為水身因化為桑有莘氏採桑得嬰兒於桑之中獻之於

君君命乳之命之曰伊尹

又曰季春之月也命野虞母伐桑柘野虞主林官也桑與柘皆可養蠶故命其

得斫伐民不鳴鳩拂其羽戴勝降於桑

淮南子曰原蠶一歲再登非不利也登成也然王法禁之者

為其殘桑也殘害也

又曰扶桑在暘州曰所拂此東方十日所出扶桑在暘谷

中九日居下枝一日居上枝也

山海經曰宜山上有桑大五十疋圍五丈其枝四衢枝交

葉大尺赤理青葉名曰帝女之桑郭璞曰婦人主桑故以名為桑

又曰東北海外圓丘南有三桑無枝皆高万仞

又曰暘谷上有扶木郭璞曰十日所浴

穆天子傳曰甲寅天子作居范宮范離宮別名以觀桑者詩曰桑者

開闢乃飲于桑中桑林之中天子命桑虞主桑者也出桑者用禁暴

民不得令害

神異經曰東方有樹焉高八十尺敷張自輔葉長一丈廣

六七尺曰扶桑有榘焉長三尺五寸

在防述異記曰栢沖為江州刺史遣人周行廬山翼觀靈

異陟崇巘有一湖匝生桑樹湖有敗觚赤鱗魚使者渴極

欲往飲水赤鱗張鬣向之使者不敢飲

列女傳曰魯秋胡子納妻五日而官於陳後歸未至家見

路傍有美婦人方採桑秋胡悅之下車願託桑陰下婦人

採桑不輟秋胡曰力田不如逢年力桑不如見郎今吾有

金願與夫人婦人不受胡乃歸母呼其婦乃向採桑者也

數胡之罪而自投于河

又曰齊瘤女者齊東郭採桑之女項有大瘤閔王遊至東

郭百姓盡觀獨瘤女採桑如故王恠召問之對曰受父母

教採桑不受教觀大王王曰此奇女悅娉迎之

又曰東辨女者陳國採桑之女也晉大夫解居甫使於宋

解居甫道過陳遇採桑之女止而戲之曰女為我歌吾將

拾女留女也採桑女乃歌曰墓門有棘斧以斯之夫也不

良國人知之

益部耆舊傳曰何祗夢桑生井之中解者曰桑字四十八

君壽恐不可過此祗四十八而卒

荆州先賢傳曰龐士元師事司馬德操不矜小名眾莫知

之德操蠶月躬採桑後園士元助之因與談當世廢興其

言若神遂移日忘食德操於是異之

甄異傳曰沛國張伯遠年十歲時病亡見泰山下有十餘

小兒共推一大車車高數丈伯遠亦推之時天風暴起揚

塵伯遠因桑枝而住聞呼聲使歸遂蘇髮中皆有沙塵後

年大至泰山識桑如死時所見

十洲記曰扶桑在碧海中上有天帝宮東王公所治有樹

樹長數十丈二千圍兩兩同根更相依倚故曰扶桑仙人

食其榘榘體作金色其樹雖大榘如中夏桑榘也稀而色

赤九千歲一生實耳味甘香

玄中記曰天下之高者扶桑無枝木焉上至天盤蜿而下

屈通三泉

括地圖曰化民食桑二十七年化而自襄九年生翼十年

而死

石虎鄴中記曰桑梓苑中盡種桑三月三日及蠶時虎皇

后將宮人數千出採桑遊戲其下

汜勝之書曰種桑五月取榘著水中濯酒取子陰乾之好



治肥田十畝荒久不耕者先好耕治之黍稷子各三升合和種之黍桑當頃俱生鋤之桑令稀疏調適黍熟穫之桑生正與黍高下平因以利鎌歷地刈之曝令燥後有風調放火燒之常逆風起火桑至春生一畝食三簿蠶

神仙傳曰麻姑謂王方平云吾見東海三為桑田

本草經曰桑根旁行出土上者名伏蛇治心痛

神農本草曰桑根白皮是今桑樹根上白皮常以四月採或採無時出見地上名馬領勿取毒殺人

典術曰桑木者箕星之精

楚辭曰衣攝葉以儲與兮攝葉儲與不舒展之貌左祛綰於扶桑祛袖

也言已衣服長大攝葉儲與不得舒展但能弘不周兮六合不足以肆行

又曰路室女之方桑

路室孔子過之以自待言孔子出過於客舍其女

方採桑一心不視若貞信故以自待

古詩曰柘桑知天風海水知天寒

繁欽桑賦曰上似華蓋紫極比形下象鳳闕萬柄一楹

陸機桑賦曰初世祖武皇帝為中壘將軍植桑一株世更

三代年漸三紀綠葉興而盈尺崇條曼而增尋

曹植艷歌曰出自薊北門遙望胡池桑枝枝自相植葉葉

自相當

太平御覽卷第九百五十五

太平御覽卷九百五十六  
 木部五  
 榆  
 桐  
 楊柳上  
 毛詩曰東門之枌疾亂也幽公荒淫男女棄其舊業亟會  
 於道路歌舞於市井爾東門之枌榆也宛丘之枌子仲之  
 子婆娑其下  
 又山有樞曰山有樞隰有榆  
 毛詩義疏曰駁馬梓榆也駁犖也角遙視似駁馬  
 周禮秋官曰烜氏四時變國火春取榆柳之火  
 禮記內則曰堇菹枌榆兔薹滌髓以滑之白枌曰  
 春秋元命苞曰三月榆莢落  
 春秋運斗樞曰玉衡星散為榆

太平御覽卷第九百五十六

木部五

榆

桐

楊柳上

毛詩曰東門之枌疾亂也幽公荒淫男女棄其舊業亟會  
 於道路歌舞於市井爾東門之枌榆也宛丘之枌子仲之  
 子婆娑其下

又山有樞曰山有樞隰有榆

毛詩義疏曰駁馬梓榆也駁犖也角遙視似駁馬

周禮秋官曰烜氏四時變國火春取榆柳之火

禮記內則曰堇菹枌榆兔薹滌髓以滑之白枌曰

春秋元命苞曰三月榆莢落

春秋運斗樞曰玉衡星散為榆

爾雅曰蘆莖音歐迭郭璞曰詩云山有樞今之刺榆無枯其實蕒枯榆也生山中葉圓

而厚剥皮合漬之其味辛香所謂蕪蕒也

說文曰榆白粉也梗山粉榆有刺莢可以為蕪蕒

史記曰凡望雲氣平望在榆上下千餘二千里也

漢書曰高祖禱豐粉榆社張晏曰粉榆社在豐東地五十里或曰粉榆鄉名也高祖里社也

又天文志曰成帝河平元年旱傷麥民食榆皮

又循吏傳曰龔遂為渤海太守勸民務農桑令口種榆一

樹

魏志曰鄭澤為魏郡太守百姓乏材木乃課種榆為籬

後魏書曰太祖道武皇帝諱珪七月七日生參合陂北明

年有榆生於埋胎處遂成林

又曰和帝會中蠱歐吐之地乃生榆木

趙書曰從幽州大道滹沱造浮橋植行榆五十里置行宮

管子曰五沃之土其榆條長

莊子曰鵲上高城之堦而巢於高榆之顛城壞巢折凌風

而起故君子之居世也得時則義行失時則鵲起

淮南萬畢術曰八月榆櫛音音令人不飢注曰以美酒漬榆櫛曝乾以漬梁米

紫莢實蒸令相合欲不食者

三指撮酒以服之即不飢耳

韓詩外傳曰楚莊王將伐晉曰敢諫者死孫叔敖進諫曰

臣園中有榆榆上有蟬蟬方奮翼悲鳴飲清露不知螳螂

之在後曲頸欲食之螳螂方欲食蟬不知黃雀在後舉頭

而欲啄之黃雀食螳螂不知童子挾彈在榆下欲彈之童

子方彈黃雀不知在前有深坑後有掘株也楚乃息伐

栢譚新論曰劉子駿信方士虛言為神仙可學余見其庭

下大榆樹久而剥折指謂曰彼樹無情然猶朽蠹人雖欲

愛養何能使之不衰  
博物志曰食枌榆則眠不欲覺  
晉宮闕名曰華林園榆十九株  
雜五行書曰舍北種榆九株蠶大得  
廣志曰有姑榆有郎榆郎榆無焚材又任車用至善青蠶  
者出勃海東光以供官  
石虎鄴中記曰襄國鄴路千里之中夾道種榆盛暑之月  
人行其下  
鄒子曰春取榆柳之火  
范子計然曰蕪蕘出地赤心者善  
汜勝之書曰種禾無期因地為時三月榆莢雨時高地強  
土可種禾  
崔寔四民月令曰二月榆莢成者收乾以為醬隨節早晚

勿失其適

夢書曰榆為人君德至仁也夢採榆葉受賜恩也夢居樹  
上得貴官也夢其葉滋茂福祿存也

古樂府詩曰天上何所有歷歷種白榆

應璩與龐惠恭書曰見所上利民之術殖濟南之榆栽漢  
中之漆

嵇康養生論曰豆令人重榆令人瞑愚智所知也

桐

易緯曰桐枝濡毳而又空中難成易傷須成氣而後華

尚書禹貢曰嶧陽孤桐

嶧山之陽特生  
桐中為琴瑟

毛詩卷阿曰梧桐生矣于彼高崗

梧桐柔  
木也

又定之方中曰樹之榛栗椅桐梓漆爰伐琴瑟

詩義疏曰梓實桐皮曰椅今民云梧桐也有青桐白桐赤

桐白桐宜琴瑟今雲南特柯人績以為布

禮記月令曰清明之日桐始華周書曰不始華歲有大寒

禮斗威儀曰君乘火而王其政平梧桐為常生

爾雅曰櫬梧也今梧榮桐木即梧

後漢書曰蔡邕泰山行見爨桐聞爆聲曰此良木也取而為琴

齊書曰豫章王於邳起山列種桐竹號為桐山武帝幸之置酒為樂

管子曰五沃之土其木宜桐

莊子曰外乎子之神勞乎子之精倚樹而吟據梧而瞑不神

休於性分之內則外矣精不正於自足之極則勞矣故行則倚樹而吟坐則據桐而瞑言有情者之自困

又曰鷓鴣發南海而飛到北海非梧桐不止非竹實不食

又曰空門來風桐乳致巢司馬彪注曰門戶空風喜投之桐子似乳着葉而生鳥喜巢之

孟子曰今有場師舍其梧櫝養其楸音棘則為賤場師矣

呂氏春秋曰成王與唐叔虞燕居援桐葉以為珪曰以此

封汝虞喜以告周公周公請封虞成王曰余與虞戲也周

公曰臣聞之天子無戲言於是遂封叔虞於晉

淮南子曰智有所不足故桐不可以為弩

又曰夫以巨斧擊桐薪不待利時夏日而後破之加巨斧

桐薪之上而無人力之奉雖順招搖挾刑德刑十二辰德

十日而弗能破者以其無勢也

淮南萬畢術曰桐木成雲取十石瓦罌滿水中置桐罌中蓋之三四日氣如雲作

董仲舒詩雨書曰秋以桐魚九枚

風俗通曰梧桐生於嶧山陽巖石之上採東南孫枝為琴

聲甚清雅

遁甲經曰梧桐不生則九州異言梧桐以知日月正開生十二葉一葉有六葉從下數一葉為一月至十二葉有閏十三葉小餘者視之則知閏何月也不生九州各異君天下不同也王逸子曰木有扶桑梧桐松柏皆受氣淳矣異於羣類者也

秦記曰初長安謠云鳳凰鳳凰止阿房符堅遂於阿房城植桐數萬株以待之至是慕容沖入阿房城而止焉沖小字鳳凰

廣志曰梧桐有白者剽國有白桐木其葉有白毳取其毳淹漬緝績織以為布

遊名山志曰吹臺有高桐皆百圍嶧陽孤桐方此為劣

鄒山記曰鄒山古之嶧山魯穆公改為鄒今鄒山嶧陽猶多桐樹

齊地記曰城北十五里有梧臺即梧宮也

論衡曰李子長為政欲知囚情以梧桐為之象囚形乃鑿地為埒卧木囚其中曰罪若罪木囚不動若有寃木囚動出人之精誠着木人也

華陽國志曰益州有梧桐木其華綵如絲人績以為布名曰華布

沈懷遠南越志曰青桐華頗似水綿而輝重過之

晉宮閣名曰華林園青白桐三株

伏候古今注曰昭帝元鳳三年馮翊人獻桐枝長六尺九枝枝一葉

異苑曰晉武帝世吳郡臨平岸崩出一石鼓打之無聲以問張華華云可取蜀中桐材刻作魚形扣之則鳴矣於是如言音聞數十里

又曰句章吳平門前忽生一株青桐樹上有謠歌之聲平

惡而斫殺平隨軍北征首尾三載死桐欵自還立於故根  
 之上又聞樹巔空中歌曰死樹今更青吳平尋當歸適聞  
 殺此樹已復有光輝平尋歸如鬼譎  
 祖台之志怪曰騫儋至檀丘塢上北樓宿暮鼓二中有人  
 着黃練單衣白蛤將人持炬火上樓保懼藏壁中須臾有  
 二婢上使婢迎一女子上與白蛤人入帳中宿未明白蛤  
 人輒先去如是四五宿後向晨白蛤人纔去保困入帳中  
 持女子問向去者誰答曰桐侯郎道東桐樹廟是至暮鼓  
 二中桐郎來保乃斫取之縛着樓柱明日視之形如人長  
 三尺餘檻送詣丞相渡江未半風浪起桐郎得投入水風  
 波乃息  
 齊民要術曰梧桐山石閒生者為樂器則鳴  
 瑞應圖曰王者任用賢良則梧桐生於東廂

和譚新論曰神農黃帝削桐為琴  
 任昉述異記曰梧桐園在吳夫差舊國也一名琴川梧園  
 宮在句容縣傳云吳王別館有楸梧成林焉其梧子可食  
 古樂府云梧宮秋吳王愁是也  
 崔琦七蠲曰爰有梧桐生于玄谿傳根朽壤託險生危  
 枚乘七發曰龍門之桐高百尺而無枝中鬱結而輪菌根  
 扶疎以分離  
 魏明帝猛虎行曰雙桐生空井枝葉自相如通泉溉其根  
 玄雨潤其柯綠葉何蓊蓊青條視曲阿  
 張協七命曰寒山之桐出自大冥含黃鍾以吐幹據蒼岑  
 而孤生  
 古詩曰井桐棲靈鳳

楊柳上

易大過九二曰枯楊生稊老夫得其女妻

焦贛易林豫之晉曰鵲巢柳樹鳩奪其處任力劣薄天命

不祐

毛詩采薇曰昔我往矣楊柳依依楊柳蒲柳也

又曰東門之楊刺時損婚姻失時男女多違親迎女猶有

不至者也東門之楊其葉牂牂牂牂然盛貌

又南山有臺曰南山有桑北山有楊樂只君子邦家之光

又小弁曰苑彼柳斯鳴蜩嘒嘒柳木茂盛則多蟬

又曰苑柳刺幽王也暴虐無親而刑罰不中有苑者柳不

尚息焉有宛然柳葉茂盛之柳行路之人豈有不度幾欲就之止息

又東方未明曰折柳樊圃柳弱脆之木樊蕃也折以蕃圃無益也

毛詩疏義曰楊之水不流東蒲蒲柳之水二種一種皮正

青一種皮紅白可為箭竿左傳曰董澤之蒲今人以爲其

崔可為矢

又曰樹杞杞柳也生水旁樹如柳葉麤而白木理微赤今

人以爲車轂今淇水旁魯國泰山汶水邊路純杞柳也

大戴禮曰正月柳梯梯者發葉也

爾雅曰檉河柳郭美曰河旁赤莖小楊也旄澤柳生澤中者楊蒲柳詩云楊柳依依

傳曰董澤之蒲也

漢書曰上林苑中大柳樹斷附地一朝起生枝葉有蟲食

其葉為字曰公孫病已立畦孟以為木下民之象當有廢

故之家公孫氏從民間受命為天子者及昭帝崩無嗣大

臣迎立昌邑王王即位淫亂失道霍光廢之更立昭帝兄

衛太子之孫為宣帝帝本名病已

晉書曰王恭字孝伯美姿容人多悅之或目之曰濯濯如

春月柳



又曰嵇康性絕巧而好鍛宅中有一柳樹甚茂乃激水圍之每夏月居其下以鍛東平呂安服康高致每一相思輒千里命駕

又曰太康末京洛爲折楊柳之歌其曲始有兵革苦辛之歎終以禽獲斬截之事是時三楊貴盛而被族滅太后廢黜幽死宮中折楊柳之應也

又桓溫傳曰溫自江陵北伐行經金城見少爲琅邪時所種柳皆已十圍慨然曰木猶如此人何以堪攀枝執條泣然流涕

南史隱逸傳曰陶潛字淵明有高趣宅邊有五柳樹故嘗著五柳先生傳

晉中興書曰陶侃明識過人武昌道上通種楊柳人有竊之殖于家侃見識之問何盜官所種于時以爲神

沈約宋書曰蕭惠開爲少府不得志寺內齋前草香惠開悉鏟除列種白楊人謂之曰白楊丘墓間所植奈何於庭院種之答曰人生不得志與死人何異其年惠開暴卒齊書曰王敬則初爲散騎使魏於北館種楊柳後貢外郎虞長暉北使還敬則問我昔種楊柳樹今大小長暉曰虜中以爲甘棠

太平御覽卷第九百五十六

太平御覽卷九百五十七  
木部六  
楊柳下  
桂  
杉  
楓  
豫樟  
齊書曰阮孝緒建武末青溪宮東門無故自崩大風拔東  
宮門外楊樹以問孝緒曰青溪皇家舊宅齊為木東為木  
位今東門自壞木其衰矣  
齊書曰劉俊之為益州刺史獻蜀柳數株條甚長狀若絲  
縷武帝植於太昌靈和殿前常翫嗟曰此楊柳風流可愛  
似張緒當時見賞如此  
又曰何點性好事聞陸惠曉與張融並宅其間有池池上  
有一柳樹點歎曰此池便是醴泉此樹便是交讓  
指書曰柳機宇當時初機在周與族人文成公昂俱歷顯

太平御覽卷九百五十七

木部六

楊柳下

桂

杉

楓

豫樟

齊書曰阮孝緒建武末青溪宮東門無故自崩大風拔東

宮門外楊樹以問孝緒曰青溪皇家舊宅齊為木東為木

位今東門自壞木其衰矣

齊書曰劉俊之為益州刺史獻蜀柳數株條甚長狀若絲

縷武帝植於太昌靈和殿前常翫嗟曰此楊柳風流可愛

似張緒當時見賞如此

又曰何點性好事聞陸惠曉與張融並宅其間有池池上

有一柳樹點歎曰此池便是醴泉此樹便是交讓

指書曰柳機宇當時初機在周與族人文成公昂俱歷顯

要及此機昂並為外職楊素時為納言方用事因上賜宴  
素戲機曰二柳俱摧孤楊獨聳坐者歡笑機竟無言

又曰周初有童謡曰白楊樹頭金雞鳴祇有阿舅無外甥  
靜帝隋氏之甥既遜位而崩諸舅強盛

又曰渤海公高潁少明敏有器局多涉書史尤善詞令初  
孩孺時家有柳樹高百許尺亭亭如蓋里中父老曰此家  
當出貴人

唐書曰司稼卿梁孝仁高宗時監造蓬萊宮於諸庭院列  
種白楊將軍契苾何力鐵勒之渠率也於宮內縱觀孝仁  
指白楊云此木易長三數年開宮中可得蔭映何力一無  
所應但誦古詩白楊多悲風蕭蕭愁殺人意謂此是塚某  
閒木非宮中所宜種孝仁遽令拔去更樹梧桐  
又曰乾元中虢州刺史王奇光奏閩鄉縣界女媧墳天寶

十三載大雨晦暝失所在至今河上側近忽聞雷風聲曉  
見墳踴出上有雙柳樹下有巨石柳各高丈餘畫圖進上  
以示百官

又曰呂渭為禮部侍郎中書省有柳樹建中末枯死興元  
元年東駕還京其樹再榮人謂之瑞柳以為賦題上聞而  
惡之渭因入閣遺失請託文記遂出為潭州刺史

又曰吐蕃土風寒苦物產貧薄所部邏婆川唯有楊柳人  
以為資更無草木

又曰范希朝鎮振武單于城中舊少樹希朝於他處市柳  
千命軍人種之至今成林居人賴之

春秋後語曰魏哀王以田需為相需音須甚貴信之惠子謂  
田需曰子必善事左右今夫樹楊橫之則生折而樹之又  
生戰國策曰夫楊橫樹之亦生倒然使十人樹楊一人拔

之則無生楊矣夫以十人之衆樹易生之物不勝一人拔者何也樹之難去之易今子雖自樹於王而欲去子者衆則必危矣戰國策又載

戰國策曰楚有養由基者善射楊葉百步而射之百發百中

管子曰五沃之土宜柳

莊子曰支離叔觀於冥泊之丘崑崙之墟黃帝之所休俄而柳生其左肘

孟子謂告子曰性猶杞柳義猶杯棬丘貞切

許慎淮南子注曰展禽之家有柳樹身行惠德因號柳下惠一曰邑名

抱朴子曰夫木槿楊柳斷殖之更生倒之亦生橫之亦生生之易者莫若斯木

山海經曰廆山之西有谷焉名均藿谷其木多柳鳳伯之山熊山直陵之山木多柳平丘山爰有楊柳沃民之國有白柳

崔豹古今注曰白楊葉圓青楊葉長柳葉亦長細移時題切

楊圓葉弱帶微風則大搖一名高飛一曰獨搖蒲柳生水邊葉似青柳亦曰蒲楊亦曰移柳亦曰蒲移焉水楊即蒲楊也枝勁韌音任用又有赤楊霜降則華赤材理亦赤也

說文曰楊蒲柳也從木易聲檉河柳也從木聖聲柳小楊也從木卯聲

續搜神記曰土虞魏全家在縣北忽有一人着孝服皂笠手中掩口來詣全家語云君有錢一十萬銅器亦如之大柳樹錢在其下取錢當得耳於君家大不吉僕尋爲君取

於此便去自爾出三十年遂不復來全亦不取錢  
盛弘之荊州記曰緣城堤邊悉植細柳絲條散風清陰交  
陌  
三齊略記曰禹城東南有蒲臺高八丈始皇所頓處在臺  
下縈馬至今蒲生猶榮似水楊而堪爲箭  
孔氏志恠曰會稽盛逸嘗晨興路未有行人見門內柳樹  
上有一人長二尺餘朱衣冠冕俯以舌舐樹葉上露良以  
忽見逸神意如有驚遽即隱不見  
世說曰顧悅之與晉簡文帝同年悅之早白帝問卿何以  
先老對曰蒲柳之姿望秋而落松柏之質隆冬轉茂  
廣五行記曰周宣帝大定二年永州得白石剖而爲兩段  
中有楊樹之形黃根紫葉  
廣志曰白楊一名高飛木葉大於柳

崔寔四民月令曰三月三日以及上除採柳絮柳絮愈瘡  
本草經曰柳華一名柳絮  
夢書曰楊爲使者  
魏文帝柳賦曰昔上與表紹戰於官渡是時余始植斯柳  
在余年之二七植斯柳乎中庭始圍寸而高尺今連拱而  
九成

曹植柳頌曰余以閑暇駕言出遊過友人楊德祖之家視  
其屋宇寥廓庭中有一柳樹戲刈其枝葉故著斯文  
桂

爾雅曰稜音木桂今南人呼桂皮厚者爲木桂桂樹葉似  
枝葉冬夏長  
青間無雜木

禮斗威儀曰君乘金而王其政訟平芳桂常生  
春秋運斗樞曰椒桂生合剛陽椒桂陽星之精所生  
也合猶連體而生也

春秋潛潭巴曰宮桂鳴下土諸侯號有聲桂好木植於宮中猶天子封有

聲譽者為諸侯今乃鳴是乃成其聲名於下土之祥

山海經曰招搖之山臨乎西海其上多桂桂長丈阜塗之

山上多桂木桂林八樹在賁隅東入樹成林言大也

春秋後語曰蘇秦在楚三年乃得見談卒辭行威王曰寡

人聞先生若聞古人今先生不遠千里而臨寡人曾不肯

留願聞其說蘇秦對曰楚國之食貴於玉薪貴於桂謁者

難得見於鬼王難得見於帝今令臣食玉炊桂因鬼見帝

何事不去威王曰先生就舍寡人聞命矣

漢書陸賈傳曰尉佗獻桂蠹二器桂樹蠹蟲也

晉書曰郗詵遷雍州刺史武帝於東堂會送問詵曰卿自

以為何如詵對曰臣舉賢良對策為天下第一猶桂林之

一枝崑山之片玉

唐書曰垂拱四年三月有月桂子降於台州經十餘日乃

止

又曰南中有泉流出山洞常帶桂葉好事因謂為流桂泉

後人乃立棟宇為漢高之神

莊子曰桂可食故斧伐之

抱朴子曰桂可以葱涕合蒸作水可以竹瀝合餌之亦可

以先知龜腦或云君腦和服之七年能步行水上長生不

死

淮南子曰月中有桂樹

郭子橫洞冥記曰武帝使董謁乘琅霞之輦以昇壇至三

更西王母駕玄鸞之輿至壇之四面列種軟條青桂風至

枝自拂階上遊塵

尋陽記曰廬山上有三石梁長數十丈廣不盈尺杳然無

底吳猛將弟子登山過此梁見一翁坐桂樹下以玉杯承  
甘露漿與猛  
廣志曰桂出合浦而生必以高山之顛冬夏常青類自爲  
林閉無雜樹交阡置桂園  
列仙傳曰范蠡好食桂賣藥世人往往見之  
神仙傳曰離婁公服竹汁餌桂得仙許由巢父箕山得石  
丹沙石桂英服之  
闕子曰魯人有好釣者以桂爲餌黃金爲鈎  
拾遺記曰岱輿一名浮折北有玉梁十丈駕玄流之上岸  
旁有丹桂黑紫白可爲舟  
世說曰客問陳季方曰君家有何功德而荷天下重名曰  
吾家君譬如桂樹生泰山之阿上有萬仞之高下有不測  
之深上爲甘露所霑下爲川泉所潤當斯之時樹焉知太

山之高川泉之深不知有功德歟  
金樓子曰夫翠飾羽而體分象美牙而身喪蚌懷珠而致  
剖蘭含香而遭焚膏以明而遂煎桂以蠹而成疾  
羅浮山記曰羅山頂有桂山海經所謂賁隅之桂  
臨海記曰白石之山望之如雪山有湖傳云金鵝之所集  
八桂之所植  
說文曰桂江南之木百藥之長  
地理記曰桂陽郡有桂嶺放花遍白林嶺盡香  
又曰天台山有八桂嶺襟  
漢武帝悼李夫人賦曰氣沉潛以悽展兮桂枝落而銷心  
漢淮南王安好道感八公共登山攀桂樹安作詩曰攀桂  
樹兮聊淹留  
唐景龍文館記曰薰風殿其材木皆用青桂白檀香氣氛

氲盈於四遠

謂之 杉

爾雅曰披

音結 結或作杉似松生江南可以為

晉咸康起居注曰侍御史秦武奏平陵前道東杉樹一株

萎死以柏栽補之請收陵令推効

西京雜記曰太液池中有小池名瓜樹池池中有小洲洲

上有結樹一株十餘圍望之如重蓋故名之

鄧德明南康記曰巘山有漢太傅陳蕃墓遙望兩杉樹聳

柯出嶺垂陰覆谷

劉欣期交州記曰合浦東二百里有一杉樹葉落隨風入

洛陽城內漢時善相者云此休徵當出王者故遣千人伐

樹役夫多死三百人坐斷株上食過足相容

名山志曰華子崗上杉千仞被在崖側

楓

爾雅曰楓攝攝之葉反天風則鳴故曰攝攝似自

後周書曰武帝天和元年秋七月辛丑梁州上言鳳凰集

於楓樹群鳥列侍以萬數

山海經曰黃帝殺蚩尤弃其械化為楓樹

金樓子曰楓脂千歲為虎魄

名山記曰天姥山上長楓千餘丈蕭蕭臨澗水

著宮閣名曰華林園楓香三株

南方草木狀曰楓香樹子大如鳥卵二月花色白乃連着

子八月熟曝乾可燒唯九真郡有之

異苑曰烏傷陳氏有女未醮着屐徑上大楓樹顛更無危

闕額曰我應為神今便長去唯左蒼右黃當躡歸耳家人

悉出見之舉手辭訣於是飄飈輕越極矚乃沒既不了蒼



黃之息每春輒以蒼狗秋以黃犬設祀於樹下  
任昉述異記以南中有楓子鬼楓木之老者爲人形亦呼  
爲靈楓嶺表錄異曰楓人嶺多楓樹樹老則有瘤癭忽一夜遇暴  
雷驟雨其樹贅則暗長三數尺南中謂之楓人越巫云取  
之雕刻神鬼易致靈驗  
離騷招魂曰湛湛江水上楓且極千里傷春心

左傳昭公曰自公作亂殺子西子期子期曰昔者吾以力  
事君不可不終拔豫章以殺人而後死

陳書曰侯景之平也太極殿被焚承聖中議欲營之獨闕  
一柱七月有樟木大十八圍長四丈五尺流泊陶家後渚  
監軍鄒子慶以聞詔書令沉衆兼起部尚書搆太極殿

莊子曰騰猿得豫章攬蔓而王長於其間便也

淮南子曰藜蠶之生蠕蠕然日加數寸不可以爲櫬棟加

蓋也櫬屋也榱桷豫章之生也七年而後知故可以爲棺舟

高士傳曰堯聘許由爲九州長由惡聞洗耳於河巢父見  
謂之曰豫章之木生於高山江雖巧而不能得子避世何  
不藏深

地理志曰豫章郡城南有樟樹長數十丈立郡因以爲名

至晉永嘉年間尙茂

廣志曰豫章生七年外始辨凡木似豫章故待七年當分別

神異經曰東方有豫章樹高千丈有土操谷行斫行食

新語曰賢者之處世猶金石生於沙中豫章產於幽谷

水經曰豫章城之南西門曰松楊門門內有樟樹高七丈

五尺大二十五圍枝葉扶疏垂蔭數畝

應劭漢官儀曰豫章郡樹生庭中故以名郡矣此樹常中  
枯逮晉永嘉中一旦更茂豐蔚如初咸以為中宗之徵祥  
也  
豫章記曰新塗縣封谿有聶友所用樟木戕柯者遂生為  
樹今猶存其木合抱始倒植之今枝條皆垂下  
任昉述異記曰豫章之為木也生七年而後可知  
又曰漢武寶鼎二年立豫樟宮於昆明池中作豫樟木殿

太平御覽卷第九百五十七  
豫樟宮於昆明池中作豫樟木殿

太平御覽卷第九百五十八  
木部七

楠今杜目檜木出交梓檀山柘柘

枳梓楸椶椒

木蘭正夜合甘棠檣檣檣

尋陽記曰黃金山有楠樹一年東邊榮西邊枯後年西邊  
榮東邊枯年年如此張華云交讓樹者此是也

爾雅曰檜柏葉松身柏葉松身曰檜  
尚書禹貢曰柁幹栝柏栝柏葉松身  
毛詩竹竿曰檜檝松舟檜栝葉松身檝

爾雅曰相杼杼也

毛詩車輦曰陟彼高岡析其柞薪析其柞薪其葉滑兮

又曰維柞之枝其葉蓬蓬疏曰相今柞殼為斗可以染皂

今俗及河內云杼斗或云椽斗

陸機毛詩疏義曰芄芄械樸爾雅曰械白接注音裴三倉

說械即柞也其柞理純白無赤心為白接直理易破故可

為犢車軸又可為矛戟鍛

西京雜記曰五柞宮有五柞樹皆連抱五株樹枝覆蔭數

十畝

崔豹古今注曰鑿木出交州林邑國也色黑而有文亦謂

之文木

周處風土記曰舊說舜葬上虞又記云耕于歷山而始寧

剡二縣界上舜所耕田在於山下山多柞樹吳越之間名

柞為杼故曰歷山

毛詩將仲子曰將仲子兮無踰我園無折我樹檀檀疆忍

又曰伐檀刺貪也在位貪鄙無功而受祿君子不得進仕

爾坎坎伐檀兮實之河之干兮

聖賢冢墓記曰孔子墓有檀樹

禮記月令曰季春無伐桑柘

又段壺曰矢以柘若棘無去其皮

周禮冬官曰弓人辨六材一曰柘

古史考曰烏號弓以柘枝為也

譙周曰野柘枝勁鳥集之飛起枝彈之鳥乃驚號伐取為

弓故稱烏號弓  
 周書曰季夏取桑柘之火  
 風俗通曰柘材為弓彈而放快  
 崔寔四民月令曰柘深色黃赤人君所服  
 也○雲南記曰會川室屋相次皆是板及茅舍滿川坡盡  
 是花木亦有赤柘

爾雅曰柘木名疏

毛詩將仲子曰將仲子兮無伐我樹杞

又淇露曰湛湛露斯在彼杞棘

左傳昭公曰聲子聘于晉還令尹于木與之語問晉政焉

且曰晉大夫與楚執賢對曰晉卿不如楚其大夫則賢皆  
 卿材也如杞梓皮革自楚往也雖楚有材晉實用之

周書曰太姒夢梓化為杞

爾雅曰椶

毛詩小弁曰惟桑與梓必恭必敬止

又定之方中曰樹之榛栗椅桐梓漆

陸機毛詩疏義曰北山有椶爾雅曰椶鼠梓其樹葉木理

如楸山楸之異也今人謂之苦楸濕時脆燥而堅今永昌

人謂鼠梓漢人謂之椶

禮曰威儀曰君乘火而至其政和平楸梓為常生

周書曰太姒夢太子發取周庭之梓樹於商闕闢化為松

史記曰子胥將死告舍人曰必樹吾墓上以梓梓可為器

而投吾眼於吳之東門上以觀越兵入吳也

漢書曰元帝初元四年皇后曾祖父濟南平陵王伯墓門梓柱卒生枝葉上出劉向以爲王氏代漢之象林可公器後漢書曰應順爲冀州刺史廉直無私遷東平相賞罰必信吏不敢犯有梓樹生於聽事室上事後母至孝衆以爲孝感之應  
說苑曰伯禽與康叔封朝于成王見周公三見而三答康叔有駮邑謂伯禽曰有商子者賢人也與子見之康叔封與伯禽見商子曰吾二子者朝乎成王見周公三見而三答其說何也商子曰二子盍相與觀乎南山之陽有木焉名曰橋二子者往觀乎南山之陽見橋竦焉實而仰反以告乎商子商子曰橋者父道也商子曰二子盍相與觀乎南山之陰有木焉名曰梓二子者往觀乎南山之陰見梓勃焉實而俯反以告商子曰梓者子道也二子者明日見

乎周公入門而趨登堂而跪周公拂其首勞而食之曰安見君子二子對曰見商子周公曰君子哉商子也

樂資春秋後傳曰使者鄭客入函谷至平舒見素車白馬曰吾華山君願以一牘致瀉池君子之咸陽過瀉池見一大梓樹有文石取以扣樹當有應者以書與之鄭客如其言見宮闕如王者居謁者出受書入有頃云今年祖龍死山海經曰玉山碧山多梓木雞山美梓孟子曰拱把之桐梓人欲生之皆知所以養之者至於身不知所以養之者豈愛身不若桐梓哉漢武故事曰衛子夫入宮上曰吾昨夜夢子夫庭中生梓樹數株豈非天乎是日幸之有娠

郭氏玄中記曰秦文公造長安宮面四百里南至終南山山有梓樹大數百圍蔭宮中公惡而伐之連日不尅輒大



著飲食中用蒸雞豚佳香東海諸島主椒樹枝葉皆相似  
 子長而不圓甚香其味似橘皮鳥山麋鹿食此椒葉其肉  
 自然作橘香也曰時經補遺曰椒樹葉如茶葉有食陳菜  
 又東門之扮曰貽我握椒椒芬香也  
 續漢書曰天竺國出石蜜胡椒黑鹽漢書曰善行益卡  
 孫卿亦曰民之親我驩若父母其好我芬若椒蘭謂其  
 應劭漢官儀曰皇后稱椒房取其質蔓延盈升以椒塗屋  
 亦取其溫暖漢書曰  
 張璠漢記曰桓帝竇皇后崩中常侍曹節王甫欲以貴人  
 禮葬太尉李固自扶輿起擣椒自隨謂妻子曰若太后不  
 得配桓帝吾不生還矣  
 魏氏春秋同異曰鍾繇嬖庶子會之母黜嫡夫人文帝命  
 復焉繇恚忿食椒致噤帝乃止魏書曰

齊書曰建武中王敬則於會稽反奉子恪為名而子恪奔  
 走未知所在始安王遙光勸上併誅高武諸子孫於是並  
 勅竟陵王昭胄等六十餘人入永福省令太醫煮椒二斛  
 并命辦數十具棺材謂舍人沈徽孚曰椒熟則一時賜死  
 期三更當殺之會上暫卧主書單攜啓依旨斃之徵孚堅  
 執曰事須更審尔夕三更子恪徒跣奔至建陽門上聞驚  
 覺曰故當未賜諸侯命耶徽孚以荅上撫床曰遙光幾誤  
 人事及見子恪頓問流涕諸侯悉賜供饌  
 世說曰石崇以椒為泥泥屋王君夫以赤石脂泥壁  
 崔寔四民月令曰正月之日進酒降神畢室家無大小次  
 坐先祖之前子孫各上椒酒於家長稱觴舉白  
 范子計然曰蜀椒出武都赤色者善秦椒出隴西天水細  
 者善

風土記曰三香椒欖薑

離騷曰雜申樹與菌桂播椒房兮成堂布椒於西天木  
晉成公綏椒花銘曰嘉哉芳椒載繁其實厥味唯珍蠲除  
百疾肇惟歲首月正元日以介眉壽祈以初吉無大小  
皆劉臻妻陳氏正旦獻椒花頌曰璇穹周迴三朝肇建美  
哉靈葩爰採爰獻聖容服之永壽於萬

木蘭

漢書曰孝桓帝元嘉元年芝生後庭木蘭之上  
神仙傳曰北酒于君病癩見市賣藥公往自問之公云明  
日本蘭樹下當見卿明日往授素書三卷以消災救病無  
不愈者  
郭子橫洞冥記曰元封三年大秦國獻花蹄牛餽以木蘭  
之葉使方國貢此葉此牛不甚食食一葉則累月不飢

任昉述異記曰木蘭洲在尋陽江中多木蘭樹昔吳王闔  
閭植木蘭於此用構宮殿

又曰七里洲中有魯班刻木蘭為舟至今在洲中詩家所  
云木蘭舟出於此

離騷曰鴉鴉集於木蘭兮

又曰朝飲木蘭之墜露夕食秋菊之落英

夜合

風土記曰夜合葉晨舒而暮合一名台昏

甘棠

爾雅曰杜甘棠今之土赤棠白赤棠棠色赤白  
各異其名

毛詩曰甘棠美召伯也蔽芾甘棠勿剪勿伐召伯所蒞思

其樹

又杜杜曰有杜之杜生于道周杜赤



卷九十一

宋春秋曰義熙八年太社欂櫨樹生于壇側欂櫨尚黑也宋水

德忽生此一樹

爾雅曰欂櫨其實楸有棟彙

毛詩晨風曰山有苞欂櫨欂櫨木

莊子曰匠石之齊至曲園見欂櫨杜樹曰是不材木故若是

之壽

淮南子曰十二月官獄其樹欂櫨  
水經曰若耶溪孤潭上有一欂櫨樹謝靈運與從弟惠連嘗

遊之作連句題刻樹側

後漢書曰李恂詣洛陽時歲荒司空張敏司徒魯恭等各

遣千饋糧悉無所受徙居新闢下拾橡實以自資橡櫨實也

晉書曰摯虞從惠帝幸長安及東軍來迎百官奔散遂流

離鄠杜之間轉入南山中糧絕飢甚拾橡實而食之

又曰司馬元顯之討桓玄于時揚土飢虛運漕不繼玄斷

江路商旅遂絕於是公私匱乏士卒唯給桴橡

諡苑曰莒穆公有臣朱厲附事穆公不見識焉冬處於山

林食橡實夏處於洲澤食菱藕穆公以難死朱厲附將往

死之其友曰子事君而不見識焉今君難吾子死之意者

其不可乎朱厲附曰始我以爲君不吾知也今君死而我

不死是果不知我也吾將死之以激天下不知其臣者遂

往死

淮南子曰高臺增榭接屋連椽非不麗也然而民無窟室

狹廬所託於身者則明主不樂也肥臙甘脆非不香美也

卷九十一



漢書孔光傳曰賜太師靈壽杖孟康曰扶老杖也服虔曰靈壽木名也似竹有節長

不過八尺

山海經曰廣都之野靈壽實華

爾雅曰栲山栲栲似栲色小自生

毛詩我行其野曰我行其野蔽芾其栲惡木也

陸機毛詩疏義曰蔽芾其栲栲樹及皮皆似漆青色嗅其

葉臭

莊子惠子曰吾有大樹人謂之栲其本擁腫不中繩墨小

枝拳曲不中規矩立之途匠者不顧今子之言大而無用

衆所同去莊子曰何不樹於無何有之鄉廣其之野逍遙

乎寢卧其下

風俗通曰嘉平中有兩栲一宿長丈餘作人狀頭目宛然

河洛記曰洛陽北山謂之邙山其上無大樹大業都城之

北嶺上有古栲樹不知其來早晚婆娑周廻四五畝已來

在伊闕正南相當越公等將建都城之日據此樹以為南

北定准嫌栲木名惡號曰婆娑羅樹矣

春秋運中樞曰玉衡星散為荆

廣雅曰楚荆也牡荆蔓荆也

廣志曰赤莖大實者名曰牡荆又有山荆

毛詩漢廣曰翹翹錯薪言刈其楚楚荆也

又綱繆曰綱繆東楚三星在房

左傳昭公曰伍舉入鄭聲子將如晉遇之於鄭郊班荆相

與食而言復故班布也布荆坐地共議之

史記曰廉頗肉袒負荆因賓客至藺相如門謝罪卒與為

列頸之交

漢書曰淮南王安謀反伍被諫曰昔子胥諫吳王云臣今見麋鹿遊姑蘇之臺臣今亦將見宮中生荆棘露沾衣也東觀漢記曰尹勤治韓詩身牧豕事親至孝無有交遊門生荆棘

後漢書曰鮑永為魯郡太守時董憲別帥彭豐虞休皮常等各千餘人稱將軍不肯下頃之孔子闕里無故荆棘自除從講堂至于里門永異之謂府丞及魯令曰方今危急而闕里自開斯豈夫子欲令太守行禮助吾誅無道耶乃會人眾修鄉射之禮請豐等共會觀視欲因此擒之豐等亦欲圖永乃持牛酒勞饗而潛挾兵器永覺之手格殺豐等擒破黨與帝嘉其略封為關內侯

晉書曰索靖拜酒泉太守惠帝即位賜爵關內侯有先識

遠量知天下將亂指洛陽宮門銅駝歎曰會見汝在荆棘中耳

老子曰師之所處荆棘生焉

周景式孝子傳曰古有兄弟忽欲分異出門見三荆同株

接葉連陰歎曰木猶欣然聚況我而殊哉遂還為雍和日

神仙傳曰吳有徐隨居丹徒至慈過隨門下有宿客車六

七乘欺慈云徐公不在慈去客皆見牛在楊樹杪車轂中

皆生荆木長一二丈客懼入報隨隨曰此左公遣追之客

逐慈叩頭謝客還見牛在故地無荆木也

順微廣州記曰撫納縣山金荆

禮弓矢圖曰楚焯土勢以荆為之燃以灼正以荆者凡木

心圓荆心方也

地理志曰荆楚本多材因名地焉

廣州記曰白荆堪為履紫荆堪為牀其味苦水  
淮南萬畢術曰南山牡荆指病自愈節不相當有月暈時  
尅之。杜寶大業拾遺錄曰五年南方置北景林邑海陰  
三郡北景在林邑南大海中海與陰接壤其地東西一千  
餘里南北三百餘里海水四絕北去大岸三百餘里或云  
馬援鑄柱尚有地暑熱多大林木高者數百尋有金荆生  
於高山峻阜大者十圍盤屈瘤蹙文如美錦色艷於真金  
中夏時有於海際得之工人數用甚精妙貴於沉檀

毛詩湛露曰湛湛露斯在彼杞棘

又黃鳥曰交交黃鳥止于棘

又墓門曰墓門有棘斧以斯之

周書曰太姒夢見商之庭產棘

周禮秋官土曰朝士掌建邦外朝之法左九棘孤卿大夫  
位焉右九棘公侯伯子男位焉鄭玄曰樹棘以為位者取

三刺也左傳昭公曰豎牛奔齊孟仲之子殺之投其首於寧風之

棘上

春秋元命苞曰樹棘聽訟其下者棘赤心有刺言治人者  
原心不失其赤實也

後漢書曰馮異朝京師引見帝謂公卿曰是我起兵時主  
簿也為吾披荆棘定關中

又曰仇覽字季智一名香陳留考城人也時考城令河內  
王渙政尚嚴猛聞覽以德化人署為主簿後渙謝遣曰只  
棘非鸞鳳所棲百里豈大賢之路今日太學曳長裾飛名

六本行覽 卷九 四  
譽皆主簿後耳以一月俸爲資勉卒景行

晉書曰劉琨至并州荆棘成林豺狼滿道琨剪除荆棘收  
葬枯骸造府朝建市獄寇盜平來掩襲官以城門爲戰場  
百姓負楯以耕屬韃而耨琨撫循勞來甚得物情

又曰祖逖在河南公私豐贍士馬日滋方當推鋒越河掃  
清冀朔會朝廷將遣戴若思爲都督逖以若思是吳人雖  
有才望無弘致遠識耳已剪荆棘收河南地面若思雍容  
一旦來統之意甚怏怏

又曰石季龍大饗群臣於太武殿佛圖澄曰殿乎殿乎棘  
子成林將壞人衣龍殿石有棘生再閱小字棘奴  
時龍養爲己子

又曰崔洪靖厲骨鯁爲尚書左丞時人爲之語曰叢生棘  
刺來自博陵在南爲鷓在北爲鷹  
又曰顧愷之畫鄰女象以棘針針之

又曰姚萇敗苻登師於渥源盡俘其衆乃掘苻堅屍鞭撻  
荐之以棘坎土而埋之

宋書曰袁淑上太祖書曰所謂棲鳥於烈火之上養魚於  
叢棘之中

北齊書曰世祖爲後主擇師傅趙彥深進馬劼德入爲侍  
講其妻夢猛獸將來向之劼德走起叢棘妻伏地不敢動  
劼德占之曰吾當得大官超棘過九卿也爾伏地夫人也  
隋書曰流求國居海島之中土人所居曰波羅檀洞塹柵  
三重環以流水樹棘爲藩

韓子曰宋人爲燕王以棘刺之端爲沐猴者使玉必三月  
齊而後觀之右御冶工謂王曰臣聞人主無十日不燕今  
王不能久齊故以三月爲期也棘刺至小安可削乎王必  
察之王囚而問之果無有乃殺之冶人謂王曰士有虛名

多棘刺之說也。呂氏春秋曰：棗棘之有也，裘狐之有也，食棘之棗，裘狐之皮，先王固用，非其有而已。有之湯武，一目而盡，有夏商之地。秦子曰：踰枳棘之籬，則有絳柱之患；登椒桂之圃，則有繁華之芳。陳留耆舊傳曰：魏尚被繫詔獄，有雀集獄棘上，尚占曰：夫棘樹者，中心赤，外有刺象我言有刺而赤心之至誠也。李嘗藥錄曰：棘心實是棗針，世人用門冬苗代之，非其真也。

廣五行記曰：隋文帝開皇末年代州人，姓王仕為驃騎將軍，性好畋獵，所殺無數，有五男無女，後有一女子端正若畫，見者皆奇之。父母特加鍾愛，鄉里爭為作好衣，而與之。

女年七歲，一旦失之，初疑鄰里戲藏之，尋訪終不見者，諸兄遠覓去家三十餘里，於棘中見之，欲就抱取，驚走馬，追不及，兄弟以十餘騎圍之，而口中唯作兔聲，抱歸家，不能言，而身體盡棘所傷，母為挑之，得刺盈掬，不食而死。

唐新語曰：呂太一為戶部員外郎，戶部與吏部鄰，司吏部移牒令壇宇悉立棘以防，令吏交通太一牒報曰：眷彼吏部詮綜之司，當須簡要，清通何必堅籬，插棘省中，賞其俊拔。

楚辭曰：甘棠枯於豐草，分藜棘樹於中庭。

君子

晉官閣名曰華林園，君子樹三株。  
廣志曰：君子樹似檉松，曹爽樹之於庭。

長生

洛陽記曰明光殿前有長生木樹二株  
鄴中記曰金華殿後有石虎皇后浴室種雙長生樹世謂  
之西王母長生樹

萬年

晉宮閣名曰華林園有萬年樹十四株

謝玄暉詩曰風動萬年枝

黃蘗

說文曰蘗黃木也

永嘉郡記曰青田出枯楊所經山路左側木則黃蘗為林  
草便黃連覆地土人往代黃蘗者皆有酒食禱祀禱祀若  
有違失山神意二藥輒化為異物不可復得

淮南萬畢術曰蘗令面悅取蘗葉三寸土菰三枚大棗七  
枚膏和塗面不得四五日立悅

矣先以湯洗  
面乃傳藥

抱朴子曰黃蘗芝草者千歲黃蘗根下有如三斛器去本  
株三丈細根相連大如縷末服之盡一丈則地仙

支子

漢書貨殖傳曰卮茜千石亦比千乘之家

地鏡圖曰望氣見人家黃氣者支子樹也

晉令曰諸官有秩支子守護者置吏一人

晉宮閣名曰華林園支子五株

遊名山志曰樓石山多支子也

本草經曰支子一名木丹葉兩頭尖如檮蒲形剝其子如

繭而黃赤

葛洪治霍亂轉筋方曰燒支子二枚末服之立愈

無患

纂文曰無患木名也一名曰糶女救婁實可去垢



崔豹古今注曰程雅問櫨木名曰無患何也荅曰昔有神巫曰冥眈音能能以符劾百鬼得鬼則以此木為棒棒殺之世人相傳此木為眾鬼所畏競取此木為器以厭却邪魅故號曰無患

卞勣宗無患枕讚曰爰茲素朴名為吉始匠人斯製以獻君子

栴櫨

廣雅曰栴音栴櫨也

吳志曰孫權討黃祖祖橫兩蒙衝保守沔口以栴櫨大纆繫石為釘

齊書曰高帝討晉安王時朝廷器甲皆充南討帝軍容寡闕乃編櫨皮為馬具裝折竹為寄生夜舉火進軍賊望見恐懼未戰而走

梁書曰張孝秀性通率不好浮華常冠穀皮巾躡蒲履手執栴櫨皮麈尾服寒食散盛冬卧於石上

唐書曰訶陵國在南方海中洲上豎木為城作大屋重閣以櫨櫨皮覆之王坐其中

山海經曰翠之山其木多櫨櫨樹無枝高二丈許葉大而圓枝生杪頭尖實皮相披一行皮者為一節可以為索

廣志曰櫨一名栴櫨葉似車輪乃在樹下下有皮纏之附地起二旬一採轉復上生

說文曰櫨一名蒲葵

吳錄地理志曰武陵臨沅縣多栴櫨木生山中

晉令曰夷其民守護櫨皮者一身不輪之

太平御覽卷第九百五十九

...

...

...

...

...

...

...

...

...

...

...

太平御覽卷第九百六十

木部九

大皂莢 辛夷 茱萸 穀

葛 合歡 白銀 栲 音

三椏 榿 莎木 木綿

白椏 魄 檉 樸 權 托

樂 文木 韶 平仲

君遷 古度 柜 貝多

射干 時好 摩廚 榕

夫漏 都桶 都咸 千歲

慎火 勝火 播移

...

廣志曰雞栖子皂莢也

宋書曰明帝憎婦人妬劉休妻王氏妬帝聞之賜休妾勃  
王氏二十杖令休於宅後開小店使王氏親賣掃帚皂莢  
以此辱之

齊書曰明帝每用皂莢授餘灤曆洛謂左右曰此猶堪明

日用

又曰王儉素恨虞玩之東歸儉不出送朝廷無祖餞者玩  
之卒後自外孔體詣儉求會稽五官儉方盥投皂角於地  
曰卿鄉俗惡虞玩之至死煩人

三國典略曰梁元初甘露降荊州皂莢樹

陳書曰梁末童謠云不見馬上郎只見黃塵起黃塵汚人  
衣皂莢相料理及王僧辯平群臣奏高祖曰王僧辯本乘  
巴馬擊侯景馬上即王字也黃塵陳也世不解皂莢之義  
及陳滅於隋隋氏姓楊楊者羊也說者以江東人謂羴羊

角爲皂莢

神仙傳曰劉綱受老君道成上大皂莢樹飛去人雲

又曰雲仙翁斬皂莢樹以杯承之皆是好酒

洛陽宮殿簿曰建始殿前槐及皂莢二十株

扶南傳曰安息國出酢皂莢可食味最美

幽明錄曰曲阿虞晚所居宅內有一皂莢樹大十餘圍高  
十餘丈枝條扶疎蔭覆數家諸鳥依其上晚令奴斫上枝  
因墮殆死空中有罵詈者言晚汝何意伐我家居便以瓦  
石推擲大小並委頓如此一年漸消滅

范子計然曰皂莢出三輔上價一枚一錢

葛洪治溺死方曰擣皂莢裹以綿內死人下部中水出即  
活

辛夷

本草經曰辛夷一名辛引一名侯桃一名房木

神農本草曰辛夷生漢中魏興涼州川谷中其樹似杜仲樹高一丈餘子似冬桃而小

楚辭曰飲菌若之朝露兮構桂木而為室所飲食潔清雜

橘柚以為圃兮列辛夷與椒植

又曰乘赤豹兮從文狸辛夷車兮結桂旗

菜萸

洞林曰郭璞避難至新息有人以菜萸令璞射之璞曰子如小鈴含玄珠構支言之是菜萸

說文曰椒似菜萸出淮南楊州有菜萸樹

風土記曰菜萸檄也九月九日成熟色赤可採世俗亦以此日折菜萸費長房云以插頭髻云辟惡

異苑曰庾紹為東郡令宗協與紹中表且服菜萸酒忽見

紹來仍求酒執酒杯遠置云菜萸氣協云惡之耶紹云上官皆畏況我乎

雜五行書曰舍東種楊菜萸各三株增年益壽除患害

蜀都賦曰其圃則有蒟蒻菜萸

曹植樂府歌曰菜萸白川芳不若桂與蘭

穀

毛詩鶴鳴曰樂彼之園爰有樹檀其下維穀穀也

詩義疏曰幽州謂之穀桑或曰楮桑荆揚交廣謂之穀今

江南績其皮以為布又搗以為紙長數丈潔白光澤甚好

葉初生可以為茹

說文曰穀楮也

裴淵廣州記曰蠻夷取繫皮熟搥為褐裏髡布鋪以擬種

錢塘記曰靈隱山四布似蓮花中央生穀樹甚高大

韓子曰宋人有為其君以象為楮業者三年而成亂之楮

葉中而不可別也

吳氏本草曰穀木皮治喉閉痺一名楮

魏王花木志曰南方記楮子如梅實二月花色仍連實七

八月熟土人鹽藏之味辛出交趾

爾雅曰寓木宛童也

郭璞曰寄生樹也一名鳥

漢書曰武帝使東方朔射覆郭舍人曰朔中榜臣百不中

賜臣梟乃覆樹上寄生朔曰萋藪也舍人曰朔果不中朔

曰生肉為膾乾肉為脯著樹為寄生盆下為萋藪上令榜

舍人

古今注曰欲蠲人之憂則贈以丹棘丹棘一名忘憂欲蠲

人之忿則贈以青棠青棠一名合歡能忘忿枝葉繁弱

相交結每一風來輒自相解不相牽綴嵇康種之舍前

本草經曰合歡味甜平生川谷安五臟和心氣令人歡樂

無憂久服輕身明目生益州

仲長統昌言曰漢安帝時有異物生長樂宮東廡柏樹永

巷南闈合歡樹議者以為芝草也羣臣皆賀受賜

晉宮閣名曰華林園合歡四株

神農本草曰合歡生豫州河內川谷共樹似狗骨樹

嵇康養生論曰萱草忘憂合歡蠲忿

白銀

湘州記曰益陽縣西山多銀木

晉宮閣名曰華林園白銀八株

枕音

太平御覽

卷九百六十七

四

日

交州記曰枕赤色堪作船作牀

遊名山志曰樓石山多章枕皆為三四五圍

鄧德明南康記曰南康縣音志水極源去郡並九百里地

多章枕樹

蘇州志曰枕樹

蜀志曰興古南漢縣有枕榔樹峯頭生葉有麵大者收麵

乃至百斛華陽園志同

吳錄曰交趾南海縣出枕榔中有米屑為麵

臨海異物志曰枕榔木外皮有毛似楸欄而散生作絀音昨

稊漬之不腐其木剛作鍛鈔鋤利如鐵中石更利唯中焦

榔致敗耳皮中有似藹稻米糝又似麥麵中作麵餌

廣志曰枕榔樹大四五圍長五六丈洪直旁無枝條其顛

生葉似椶葉斫其木肥堅難傷入數寸得麵

博物志曰蜀中有樹名枕榔皮裏出屑如麵用作餅食之謂之枕榔麵

魏王花木志曰枕榔出興古國者樹高七八丈其大者一

樹出麵百斛交趾又有樹其皮有光屑取之乾擣以水淋

之如麵可作餅餌

嶺表錄異曰枕榔樹枝葉並蕃茂與棗檳榔等樹小異然

葉下有鬚如龍馬尾廣人採之以織巾子其鬚尤宜鹹水

浸漬即龍脹而韌故入以此縛船不用釘線木性如竹紫

黑色有文理而堅工人解之以制博奕局此樹皮中有屑

如麵可為餅食之

水經曰漢興縣溪中多生叩竹枕榔樹樹出縣而夷人資

以自給

樓音

吳錄地理志曰交趾望縣有穰木其皮中有如白米屑者乾之水淋之似麵可作餅郡內皆有之

左思吳都賦曰文穰貞榘

蜀志曰莎樹大四五圍長五六丈峯頭生葉出麵一樹出一石正白而味似桃榔

南中八郡志曰莎樹大四五圍長十餘丈樹皮能出麵大者百斛色黃鳩民部落而就食之

廣志曰莎樹多枝葉葉兩邊行列若飛鳥翼其麵色白樹收麵不過一斛擣篩乃如麵不則如磨屑為飯滑軟

宋縣

吳錄地理志曰交趾定安縣有木絲樹高大實如酒杯中有縣如蠶之絲又可作布名曰縑一名毛布

廣州記曰枝似桐枝葉似胡桃而稍大出交廣二州

羅浮山記曰木縣正月則花大如芙蓉花落結子方生縣與葉耳子內有縣甚白蠶成則熟南人以為緇絮

廣志曰木縣樹赤華為房甚繁偪側相比為縣甚軟出交州永昌

杭

爾雅曰杭魚毒也郭璞曰杭木子似栗生南方皮厚汁赤中藏卵窠

臨海異物志曰杭味如楮

廣志曰原木漬其汁消殺眾毒生南方

魄

爾雅曰魄榘音榘也魄大木細葉以檀今江東多有之

廣雅曰青檀似奚榘音日齊人斫檀奚榘先殫

爾雅曰榘榘音榘榘速

爾雅曰楸樸心也郭璞曰解

說文曰狗枕也樸托樸呼

說文曰狗枕也樸托樸呼

樂

說文曰樂木也似太蘭從木樂聲

爾雅曰南朱桐縣有文木材堅黑如水牛角作馬鞭

山海經曰符愚之山文木其實如棗

南方草物狀曰文木樹高七八丈其色正黑如水牛角作

馬鞭計南有之

裴淵廣州記曰韶葉似栗赤色子大如栗有棘刺破其皮

韶

內白如猪肪著核不離味恬酢核如荔枝

左思吳都賦曰平仲君遷平仲實如銀

劉欣期交州記曰君遷樹子如馬乳

魏王花木志曰君遷細似甘蕉子如馬乳

吳錄地理志曰廣州有木名古度不華而實

裴淵廣州記曰古度葉如栗無華枝柯皮中生子子似櫛

而酢養以為粽數日不養化作飛蟻

吳都賦曰松梓古度

爾雅曰援拒柳郭璞曰拒似柳

貝多葉可煮飲也



唐書曰貞觀中隋婆登國遣使朝獻其國在林邑南海行  
 二月東與訶陵西與迷黎車接北鄰大海風俗與訶陵同  
 種稻每月一熟亦有文字書之貝多葉  
 杜寶大業拾遺錄曰洛陽胡津橋通翻經道場東街其道  
 場有婆羅門僧及身毒僧十餘人新翻諸經其所翻經本  
 從外國來用貝多樹葉書書即今胡書體貝多葉長一尺  
 五六寸闊五寸許葉形似琵琶而厚大橫作行書隨經多  
 少縫綴其一邊帖帖然  
 顧微廣川記曰貝多似枇杷而有光澤耀日枝柯去地四  
 五丈作懸根生地便大如本株形一樹亦可有數十根如  
 本形花白子不中食種於精舍浮圖前  
 嵩高山記曰嵩高寺中有思惟樹即貝多也如來坐貝多  
 下思惟因以為名焉

魏王花木志曰思惟樹漢時有道人自西域持貝多子植  
 於嵩之西峯下後極高大有四樹樹一年三花

射干

孫卿子曰西方有木名射干莖長四寸生於高山之崖臨  
 百仞之淵水非長也所立高也君子居必擇鄉遊必就士  
 楚辭曰掘荃蕙與射干兮芸藜藿與蘘荷  
 時好  
 孫綽子曰北阜有木焉名曰時好  
 摩廚  
 異物志曰木有摩廚生于斯調摩廚木名也厥汁肥潤其  
 澤如膏馨香馥郁可以煎熬煎熬如脂膏可以煎熬食物也彼州之民仰  
 為嘉肴花木志曰煎熬食物香美如華夏之人用油

榕

異物志曰榕樹栖栖長與少殊少時緣木後乃成樹故為殊也高出林表

廣蔭原丘孰知初生葛藟之儔  
魏王花木志曰榕木初生少時緣縛他樹如外方扶芳藤  
形不能自立根本緣繞他木傍作連結有如羅網相絡然  
後木理連合鬱茂扶踈高六七丈

嶺表錄異曰榕樹桂廣容南府郭之內多栽此樹葉如冬  
青秋冬不凋枝條既繁葉又蒙細而根鬚繚繞枝幹屈盤  
上生嫩條如藤垂下漸漸及地藤稍入土便生根節或一  
大榕樹三五處有根者又橫枝著鄰樹則連理南人以爲  
常不爲瑞木

夫漏

徐衷南方記曰夫漏樹野生三月華五六月成予如亦有  
煮著猪肉雞鴨羹中好可食亦中鹽藏

都桶

徐衷南方記曰都桶樹二月花仍連實七月熟如卵  
魏王花木志曰南方草物狀都桶樹野生二月花色仍連  
著實八九月熟子如鴨卵民取食之其皮核滋味酢出九  
真交趾

都咸

徐衷南方記曰都咸樹子大如指取子及樹皮曝乾作飲  
芳香  
表山松宜都山川記曰佷山有異木人無見其朽者其名  
曰千歲葉似棗色似桑冬夏青貞強少節日

慎火

南越志曰廣州有大樹可以御火山北謂之慎火或謂戒  
火多種屋上以防火

勝火

伏琛齊地記曰東武城東南有勝火木方俗音曰挺子其木經野火燒炭不滅故東方朔謂為不灰之木

左思齊都賦曰勝火之木衝水之草

播移泥音

林邑記曰播移樹柯節發根下垂虛中森羅望之似懸髮

太平御覽卷第九百六十

